

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Ondarroako Udala****Udaltzaingoko agenteen lan-poltsa sortzeko hautaketa-prozesua arautuko duten oinarrien zuzenketa.**

Alkatetzaren 2022/496 dekretuz, 2022ko maiatzaren 11koa, Ondarroako Udaltzaingoko agenteen lan-poltsa sortzeko hautaketa-prozesuaren oinarriak onartu ziren, eta zego-kion deialdia egin zen (Bizkaiko Aldizkari Ofiziala 2022ko maiatzak 20, 96. zenbakia).

Aipatutako oinarriak, Alkatetzaren 2022/642 dekretuz, 2022ko ekainaren 9koa zuzendu egin behar izan dira, honako terminoetan:

EBAZPENA

Lehena: Ondarroako Udaltzaingoko agenteen lan-poltsa sortzeko hautaketa-prozesuaren oinarriak aldatzea. Oinarri horiek Alkatetzaren 2022/496 dekretuz onartu ziren, 2022ko maiatzaren 11koa. Zuzenketak honako hauek dira:

- Seigarren oinarria: 1. Atalean, egun naturalen aipamena kendu eta bere orde lanegun jarriko da. Eta honela idatzita geratu da:

Seigarrena. — *Oposaketa proben garapena*

1. Lehenengo proba egiteko eguna, ordua eta lekua gutxienez zazpi lanegun lehenago iragarriko dira, alkatearen ebazpen baten bidez. Ebazpen hori udalaren webgunean (www.ondarroa.eus) eta iragarki-taulan argitaratuko da.

Gainerako probak egiteko iragarkiak aurreko paragrafoan adierazitako lekuetan argitaratuko dira, gutxienez 72 ordu lehenago, Epaimahai Kalifikatzailearen erabakiaren bidez.

- Zazpigarren oinarria: Lehiaketa-fasea 80 puntutik 90era pasa da, eta bertan euskararen ezagutzaren balorazioa sartu da, 10 punturekin. Eta honela idatzita geratu da:

Zazpigarrena. — *Lehiaketa (90 puntu)*

Merezimenduak honela baloratuko dira:

- Egindako zerbitzuak: 0,05 puntu udaltzain gisa emandako zerbitzu-egun bakoitzeko (30 puntu gehienez). Zerbitzuak zein administrazioan eman diren, administrazio horren ziurtagirien bidez egiaztatuko da, eginkizunak zein lanpostutan bete diren eta zerbitzu-harremanaren iraupena zehaztuz.

Emakumeen eta Gizonen Berdintasunerako otsailaren 18ko 4/2005 Legearen 20.1.c artikulua betez, hautagaiak familiartekoak zaintzeko edo genero-indarke-riagatik eszedentzian egon diren denbora, amatasuna eta aitasuna babesteko edo bizitza pertsonala, familiakoa eta lanekoa kontziliazio erantzukidea errazteko helburua duten lanaldi-murrizketei edo baimenei egotz dakiekeen denbora, bai eta genero arrazoiengatik lanean emandako denbora ere.

- Ikastaroak eta prestakuntza-jarduerak. Gehienez 50 punturekin baloratuko da. Epaimahai kalifikatzailearen iritziz lanpostuarekin zuzenean eta eskusiboki lotuta dauden erakunde publikoek edo horiek aintzatetsitako erakundeek antolatuta edo emandako ikastaroak eta prestakuntza-jarduerak baloratuko dira.

- 20 ordu arte: puntu 1.

- 20 ordutik aurrera: 2 puntu.

- Euskararen ezagutza baloratzea: Europako Kontseiluak onartutako Hizkuntzen Europako Erreferentzia Marko Bateratuko 3. HE edo C-1 maila, edo baliokidea: 10 puntu



- Zortzigarren oinarria: Euskararen ezagutzari buruzko balorazioa Zazpigarren Oinarrira pasatzean, Zortzigarren Oinarria edukirik gabe geratu da.
- I. Eranskina (Gai-Zerrenda)
 4. gaia gehitu da: Emakumeen eta Gizonen Berdintasunerako 4/2005 Legearen Printzipio Orokorrak (1/2022 Legea onartu ondoren indarrean daudenak). Beraz, I. eranskina honela geratuko da:
 1. 1428/2003 Errege Dekretua, azaroaren 21ekoa, Zirkulazioko Erregelamendu Orokorra onartzen duena, martxoaren 2ko 339/1990 Legegintzako Errege Dekretuak onartutako Trafikoari, Ibilgailu Motordunen Zirkulazioari eta Bide Segurtasunari buruzko Legearen testu artikulatua aplikatu eta garatzeko.
 - A) I. Titulua: I. kapitulua: arau orokorrak.
 - B) I. Titulua: II. kapitulua: 16. artikulua. Zama lanak.
 - C) II. Titulua: ibilgailuen zirkulazioa.
 - D) III. Titulua: IV. Kapitulua: oinezkoak.
 - E) IV. Titulua: seinaleztapena.
 2. Animaliak edukitzea eta babestea arautzen duen udal ordenantza.
 3. Erakundeen artean jarduteko eta koordinatzeko udal-protokoloa, genero-indarkeriaren eta sexu-erasoen biktima diren emakumeei arreta hobea emateko: printzipio orokorrak.
 4. Emakumeen eta Gizonen Berdintasunerako 4/2005 Legearen Printzipio Orokorrak (1/2022 Legea onartu ondoren indarrean daudenak).

Bigarrena: Berariaz adierazi behar da oinarrien edukia ez dela aldatu zuzendu ez den gainontzeko guztian.

Hirugarrena: Ebazpen hau Bizkaiko Aldizkari Ofizialean, iragarki-taulan eta www.on-darroa.eus udal-webgunean argitaratzea, guztiek horren berri izan dezaten, eta eskaera berriak aurkezteko epea irekitzea, 10 egun balioduneko epean, Bizkaiko Aldizkari Ofizialean argitaratu eta hurrengo egun baliodunetik aurrera.

Laugarrena: Prozesuan parte hartzeko eskabidea aurkeztu duten izangaiek prozesuan parte hartzeko beste eskabiderik egin beharrik ez izatea.

Bosgarrena: Interesdunek deialdia, oinarriak eta oinarrietatik eta epaimahaiaren jarduketetatik eratorritako administrazio-egintza guztiak aurkaratu ahal izango dituzte, Administrazio Publikoen Administrazio Prozedura Erkidearen urriaren 1eko 39/2015 Legearen 112., 123. eta 124. artikuluetan eta Administrazioarekiko Auzien Jurisdikzioa arautzen duen uztailaren 13ko 29/1998 Legearen 46. artikuluan ezarritako kasuetan eta moduan.

Ondarroan, 2022ko ekainaren 9an.— Alkatea, Zunbeltz Bedialauneta Ibaibarriaga

**ERANSKINA: ESKAERA ORRIA**

Sarrera erregistroa	Deitutako lanpostua: Udaltzainen lan-poltsa
	Zein hizkuntzatan egin nahi dituzu probak Euskaraz <input type="checkbox"/> Gazteleraz <input type="checkbox"/>

1. DATU PERTSONALAK

1 Abizena	2.Abizena	Izena
NANa	Jaioteguna	Harremanetarako telefono zenbakia
Helbidea	Herria	Posta kodea
Probintzia	Poste elektronikoa	Gidatzeko baimena Bai Ez

2. HEZIKETA

Deialdian eskatutako titulu akademiko ofiziala

TITULUA	ZENTRUA	LORTZE DATA

3. ESPERIENTZIA

Udaltzaingo gisa emandako zerbitzuak (merezimenduen baloraziorako)

SARTZE DATA	AMAIERA DATA	ADMINISTRAZIOAREN IZENA	BETETAKO LANPOSTUA

4. MEREZIMENDUAK

Merezimenduen baloraziorako hautagaiak aurkezten dituen datuak (ikastaroak edo formakuntzak)

IKASTAROA EDO FORMAKUNTZA	ERAKUNDE PUBLIKOA	IRAUPEN ORDUAK

IZAPIDETZEKO AURKEZTU BEHARREKO DOKUMENTAZIOA

- Merezimenduen fotokopiak

DOKUMENTAZIO EGIAZTAGARRIA (ez da aurkeztu behar)

Ondarroako Udalak, eskura dituen datuen bitartekotza-sistemen bidez, Administrazioaren esku dauden dokumentu hauei buruzko kontsultak eta/edo egiaztapenak egingo ditu, salbu eta berariaz aurka egiten baduzu (kasu horretan, dokumentazioa aurkeztu beharko duzu)



Dokumentua	Uko egiten dut
Nortasun datuen kontsulta	
Deialdian parte hartzeko eskatutako tituluaren fotokopia	
Hizkuntza-eskakizunaren egiaztagiaren fotokopia (edo baliokidea den tituluarena)	

Nire datuak kontsultatzeari uko egiten diot, eta arrazoi hauek ematen ditut:

Behean sinatzen duenak eskaera honi dagokion hautatze probatan onartua izatea ESKATZEN DU, eta bertan azaltzen diren datuak egiazkoak direla eta oinarrietan eskatutako baldintzak betetzen dituela BAIEZTATZEN DU.

Era berean, adierazten du abenduaren 5eko 2018/3 Datu Pertsonalak Babesteko Legean jasotakoaren arabera, Ondarroako Udala bere datu pertsonalak oinarrietan jasotako helburuetarako erabiltzeko eta enplegu-eskaintzetarako beste administrazio publikoetako erakundeei datuak emateko:

BAIMENTZEN DUELA

EZ DUELA BAIMENTZEN

Data

Izenpea

ONDARROAKO UDALAREN ALKATE-LEHENDAKARI JAUNA